

Universitätsbibliothek Wuppertal

Q. Aureli[i] Symmachi V.C.P.V. Et Cos. Ord. Epistolarvm Ad Diversos Libri X.

Symmachus, Quintus Aurelius

Neapoli Nemetvm, MD CXVII

Widmungsbrief

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1363](https://nbn-resolving.org/urn:nbn:de:hbz:468-1-1363)

Majorum p̄osapia Nobilissimis, Florentissimisq; Fratribus

FRIDERICO - ALBERTO } *Ab*
PLEICHARDO-ALBERTO } HELMSTADT.

Illustris ac Strenui Herois

DN. PLEICHARDI AB HELMSTADT:
Dynastæ in Heusingen &c. Equitis Aurati: Ductoris Exercitûs
Serenissimi DN. ELECTORIS Palatini Con-
siliarij: nec non P̄o Principis Nea-
politani

FILIIS, AD OMNIA SUMMA NATIS:

Ætatis, omniumque Virtutum Heroicarum incrementis precatur

JOH. PHILIPPUS PAREUS.



RÆCORUM fortissimum Heroa Achillen pa-
rentes ab ipsis incunabulis educandû tradide-
runt Chironi Thessalo: qui & bellicis artib.&
Musices facultate eum informaret. Prudētissi-
mo sane consilio. Neque enim existimarunt satis esse,
benè natum esse, nisi & natalium splendorem variarum
virtutum quasi gemmis radiantem expolirent. Idem se-
cuti sunt nobiles olim Romani, qui filios suos in gymna-
sticâ pariter & Musicâ succrescere voluerunt, antequam
ad culmē verè Gloriæ adspirarent. Laudabile hoc propo-
situm commendavit omnibus Principibus Imperij Ro-
mani Imperator Augustissimus Karolus IV. in suâ Chry-
so-Bullâ: ubi salutariter sanxit, ut naturaliter cognito jam
Theotonico idiomate, incipiendo à septimo ætatis anno
in GRAMMATICA (peritiâ Linguæ Latinæ intel-
ligens) Italicâ ac Slavicâ linguis instruendos curarent.
Quid aliud constituisse dicemus Philippum Macedoniæ
Regem? qui cùm filio auctus esset Alexandro (qui postea
Magnus eognominatus fuit) gratulari sibi magnopere

cœpit, quòd eius nativitas in tempora Aristotelis incidisset: à quo in omni sapientiâ posset institui. Atque id ipsum est, quod Symmachus noster ait lib. x. Epist. xxv. *Inter præcepta negotiorum sæpe curatum est, ut erudendis nobilibus Philosophi præceptores ex Atticâ poscerentur.*

Certè, Generosæ spei Fratres, vos dum intueor, video Magnum vestrum Parentem suo quoque exemplo institutum illud majorum admodum comprobare, dum florem vestræ ætatis in bonis literis ac linguâ in primis Latinâ addiscendâ versari voluit: eâque fini vos informandos tradidit doctissimo & humanissimo viro Dn. LUDOVICO SCHLECHTIO, cuius præceptis institutisq; quotidie abundatis. Macti estè hac indole! Ita voveo ego, Aeternum Numen comprecatus, ut in laudes Magnanimi Parentis vestri crescatis. Hunc meum affectum testari volui Calligraphiâ hac è præclarissimi viri Q. AURELI SYMMACHI Consulis Romani, & Præfecti Urbis Epistolis depromptâ, Confido autem oppellam hancce studijs vestris haud incommodam futuram, quippe cum summis Imperatorib. Romanis Theodosio, Valentiniano, & Arcadio Symmachianum eloquium maximè semper arriserit. Sic igitur, florentissimi Fratres, Præfecti Urbis Filij generosi, Aurelij Symmachi Præfecti Urbis flores istos Romanæ facundiæ, blando vultu accipite, mihi que indolis ac gentilitiæ famæ vestræ studiosissimo favete. Scripsi Neapoli Nemétum. Anno Gratia ∞ 10. C. XVII. Ipso die Natali meo XXIV. Maj.

CAL.